

BOSNA I HERCEGOVINA
FEDERACIJA BOSNE I HERCEGOVINE
Vlada Federacije Bosne i Hercegovine
Ministarstvo kulture i sporta / Ministarstvo kulture i športa

IZVJEŠTAJ O RADU
za 2009. godinu

Sarajevo, februar / veljača 2010. godine

UVODNI DIO

Federalno ministarstvo kulture i sporta/Federalno ministarstvo kulture i športa je tokom 2009. godine svoje aktivnosti, u skladu s nadležnostima, usmjerilo na slijedeća područja djelovanja:

- kulturno-historijsko naslijeđe,
- kultura,
- sport,
- mladi.

Djelatnost Ministarstva odvijala se u skladu s nadležnostima upravnih, stručnih i razvojnih poslova u oblastima zaštite i korištenja kulturno-historijskog naslijeđa, razvoja muzejske, arhivske, bibliotečke, izdavačke, teatarske, muzičke, likovne i filmske djelatnosti, zatim, razvoja i omogućavanja rada organizacijama i udrugama građana u oblasti umjetnosti i kulture te razvoja kulturnog amaterizma, stvaralaštva mladih, sporta i tehničke kulture.

Djelatnosti su obavljali:

- Zavod za zaštitu spomenika,
- Sektor za kulturno-historijsko naslijeđe i kulturu,
- Sektor za sport,
- Sektor za ekonomsko-finansijske, pravne i opće poslove,
- Centar za mlade,
- Fondacija za kinematografiju,
- Fondacija za izdavaštvo,
- Fondacija za bibliotečku djelatnost i
- Fondacija za muzičke, scenske i likovne umjetnosti.

Zaštitu kulturno-historijskog i graditeljskog naslijeđa Ministarstvo je ostvarilo radom i djelovanjem:

- Sektora za kulturno-historijsko naslijeđe i kulturu i
- Zavoda za zaštitu spomenika.

Planirane aktivnosti Ministarstva u oblasti kulturnog naslijeđa su:

- vršenje upravnih, stručnih i drugih poslova zaštite,
- naučnoistraživačka djelatnost,
- rekognisciranje,
- evidentiranje objekata,
- evidentiranje stanja objekata,
- dokumentiranje,
- digitalizacija dokumentacije,
- operativna i tehnička zaštita; nadzor,
- izrada prioritetne liste zaštite na prostoru Federacije BiH,
- aktivnosti na pripremanju zakonskih propisa,
- organizacija tradicionalne manifestacije *Dani evropskog naslijeđa*,
- finansijska podrška obnovi i rekonstrukciji objekata kulturno-historijskog naslijeđa,
- tehnički i finansijski nadzor nad utroškom dodijeljenih sredstava.

U svrhu ravnomjerne zastupljenosti svih vrsta objekata kulturno-historijskog naslijeđa, primjenjivat će se usvojeni kriteriji, a radit će se i na njihovom razvitku. U finansiranju zaštite i zaštiti objekata u 2009. godini, bili su zastupljeni:

- javni objekti,
- sakralni objekti,

- arheološki lokaliteti; nekropole,
- stari gradovi,
- stambeni objekti,
- zaštita pokretnih i nematerijalnih kulturnih dobara.

Izbor projekata izvršen je prema slijedećim općim kriterijima:

- kvalitet,
- uspješna prezentacija i doprinos afirmaciji Federacije Bosne i Hercegovine i Bosne i Hercegovine,
- funkcionalna i ekonomska opravdanost.

Izbor objekata kulturnog naslijeđa izvršen je na osnovu stručnih procjena Zavoda za zaštitu spomenika, a prema usvojenim slijedećim posebnim kriterijima:

- vrijednost objekta (historijska, umjetnička, arhitektonska, kulturna, duhovna, prostorna),
- stanje objekta (preliminarna zaštita, konzervacija, sanacija, restauracija i revitalizacija),
- prioritet i neophodnost radova u skladu sa stanjem objekata koji imaju status nacionalnih spomenika Bosne i Hercegovine,
- zaštita i očuvanje pokretnih i nematerijalnih kulturno-historijskih dobara,
- funkcionalna i ekonomska opravdanost projekta,
- nastavak realizacije započetih projekata.

Zastupljeni objekti i kulturna dobra su prvenstveno nacionalni spomenici Bosne i Hercegovine, koji se nalaze na prostoru Federacije Bosne i Hercegovine.

I dalje će se razvijati saradnja i koordinacija sa:

- Komisijom/Povjerenstvom za očuvanje nacionalnih spomenika,
- Ministarstvom civilnih poslova Bosne i Hercegovine,
- Federalnim ministarstvom prostornog uređenja,
- Federalnim ministarstvom turizma i okoliša,
- Državnom komisijom za UNESCO i drugim institucijama koje se bave zaštitom kulturne baštine Bosne i Hercegovine.

Tema Manifestacije «Dani evropskog naslijeđa» 2009. godine bila je zaštita nematerijalne kulturne baštine. Manifestacija je održana u Sarajevu 25. i 26. septembra/rujna 2009. godine.

I. ZAVOD ZA ZAŠTITU SPOMENIKA

Zavod za zaštitu spomenika, upravna organizacija Ministarstva i nadležna služba zaštite naslijeđa na nivou Federacije BiH, operativno će, po fazama, raditi na pripremi programa i projekata sanacije, konzervacije, restauracije, rekonstrukcije i revitalizacije objekata kulturno-historijskog naslijeđa i to putem Odjeljenja za operativno-tehničku zaštitu, Odjeljenja za naučnoistraživački rad i Odjeljenja za informaciono-dokumentacione i opće poslove.

Stručnjaci Zavoda vršili su stručni nadzor radi pravilne realizacije i provedbe zakonske regulative u oblasti zaštite nad realizacijom programa i projekata, kao i implementacije sredstava namijenjenih za zaštitu objekata kulturno-historijskog naslijeđa.

Učestvovali su u upravnim postupcima izdavanja suglasnosti kroz davanje stručnih mišljenja sa stanovišta zaštite kulturno-historijskog naslijeđa, o programima i projektima izrađenim od strane drugih pravnih i fizičkih lica.

Informaciono-dokumentaciono odjeljenje radilo je na evidentiranju i čuvanju dokumentacije. Veliki dio projekata je skeniran, uključujući i sedam primjeraka Naših starina, stručne publikacije Zavoda, koja će se postaviti na web stranicu Ministarstva-Zavoda. Zavod je radio na prikupljanju materijala za fototeku, hemeroteku, biblioteku, videoteku, kao i na drugim dokumentacijskim zbirkama.

U 2009. godini, Zavod je operativno, po fazama, radio na slijedećim objektima:

➤ **Javni objekti:**

- Most u Konjicu radovi završeni
- Zgrada AVNOJ-a u Jajcu radovi završeni
- Partizansko groblje Mostar stručni nadzor
- Stara željeznička stanica Prača-Goražde stručni nadzor
- Most u Klepcima, Čapljina stručni nadzor
- Sanacija paviljona prahistorije, Zemaljski muzej radovi završeni
- Gimnazija u Mostaru radovi završeni
- Mala vijećnica u Odžaku stručni nadzor
- Zgrada finansija u Jajcu revizija projekta

➤ **Sakralni objekti:**

- Džamija u Podgori, Breza nastavak radova
- Džamija u Šenkovićima, Novi Travnik nastavak radova
- Džamija u Lizopercima, Prozor-Rama radovi završeni
- Soko džamija u Gračanici stručni nadzor
- Huseinija džamija u Gradačcu obnova u toku
- Kuršumlija džamija u Maglaju završeni pripremni radovi 3.faze obnove enterijera
- Musala u Kamengradu, Sanski Most stručni nadzor
- Ferhat-begova džamija u Tešnju nastavak radova u enterijeru
- Semiz Ali-pašino turbe u Prači završen projekt
- Džamija u Seonici, Konjic obnova u toku, stručni nadzor
- Džamija Handanija u Pruscu završena faza konzervacije
- Džamija Kjafije Pruščaka, Prusac projekt konzervacije završen
- Džamija Ferhadija, Sarajevo stručni nadzor-završen

- Tašlihan, Sarajevo stručni nadzor-završen
- Firuz-begov hamam, Sarajevo stručni nadzor I.faze završen
- Džamija u Vitini, Ljubuški stručni nadzor-završen
- Franjevački samostan sv. Luke Jajce stručni nadzor
- Crkva Sv.Ilije Kruševo, Mostar stručni nadzor I.faze završen
- Franjevački samostan K.Sutjeska stručni nadzor-nastavak
- Stara crkva Sv.Mihovila u Varešu projekt završen, stručni nadzor
- Kloster franjevačkog samostana u Mostaru stručni nadzor
- Kapela s franjevačkom kućom u Podbili, Posušje izrada projekta konzervacije-završen
- Franjevački muzej, Tomislavgrad stručni nadzor
- Stara biskupska rezidencija u Vukodolu, Mostar izrada projekta završena
- Crkva Uznesenja Blažene Djevice, Rama-Ščit stručni nadzor-radovi završeni
- Crkva Sv.Trojstva u Blagaju stručni nadzor-izrada projekta završena
- Saborna crkva u Sarajevu stručni nadzor-III faza završena
- Crkva Sv.Prokopija u Visokom izrada projekta završena
- Crkva Uspenija presvete Bogorodice u Livnu stručni nadzor-faza završena
- Manastir Vozuća nastavak radova
- Crkva Sv.Vasilija Ostroškog Blagaj izrada projekta završena
- Crkva Vaznesenja Hristovog u Čapljini izrada projekta u toku-revizija

➤ **Arheološki lokaliteti**

istraživanje se obavljalo u suradnji s arheolozima Zemaljskog muzeja, ANUBiH-a, Muzeja Sarajeva i Odsjeka za arheologiju Sveučilišta u Mostaru. Zavod je sudjelovao u istraživanjima, evidentirajući i dokumentirajući rezultate, a bio je i koordinator programa i projekata na osnovu kojih su stručnjaci Zavoda radili na projektima konzervacije i revitalizacije.

- Helenistički grad Daorson, Ošanići kod **Stoca** arheološka istraživanja, projekt konzervacije završen
- Nekropola stećaka u Kruševu projekt konzervacije
- Arheološki lokalitet Halepić kod Glamoča druga kampanja završena

- Nekropola stećaka Dugo polje na Blidinju stručni nadzor-radovi završeni
- **Stari gradovi:**
- Stari grad Jajce završena faza radova
- Stari grad B. Krupa završena faza radova
- Stari grad Visoki stručni nadzor, projekt konzervacije završen
- Stari grad Ključ faza radova završena
- Stari grad Srebrenik operativna zaštita
- Stari grad Bobovac završena faza radova
- Stari grad Počitelj arheološka istraživanja završena
- Stari grad Dubrovnik završena faza radova
- Stari grad Ljubuški završena faza radova
- Stari grad Prusac završena faza radova
- **Stambeni objekti:**
- Kuća Nurije Pozderca, Cazin završena faza radova
- Turkovića kuća u Stocu završena faza radova
- Kršlakova kuća u Jajcu stručni nadzor-projekt završen
- Stambeni kompleks Begovina u Stocu završena faza radova
- Stambeni kompleks Velagićevina u Blagaju izrada projekta u toku

Zavod za zaštitu spomenika je nastavio aktivnosti sa organizacijama UNESCO i UNDP na zajedničkim projektima obnove i zaštite objekata naslijeđa. Tako su napravljeni projekti konzervacije Nekropole stećaka Radimlja kod Stoca i konzervacija bedema Starog grada-Stjepana Kotromanića u Blagaju. Implementacija sredstava koja su osigurale ove organizacije planira se u 2010. godini.

U 2009. godini, Zavod je sudjelovao na IV Regionalnoj konferenciji o suvremenom pristupu zaštiti kulturne i prirodne baštine u Banjaluci, pod pokroviteljstvom Ministarstva kulture RS.

XXII broj stručnog časopisa i godišnjaka *Naše starine* je tehnički pripremljen i planirano je da se objavi u 2010. godini. Osim tradicionalnog sadržaja, Zavod će prezentirati svoj poslijeratni rad na restauraciji i očuvanju kulturno-historijskog i graditeljskog naslijeđa, za koje je Federalno Ministarstvo kulture i sporta sufinansiralo programe i projekte do kraja 2009. godine. Rad na časopisu je potisnut radi intenzivnog rada na pripremi Monografije Federalnog ministarstva kulture i sporta pod nazivom „Zaštita baštine 2003-2009.“, koja bi trebala biti objavljena početkom 2010. godine.

II. KULTURA

Poslovi iz oblasti kulture ostvareni su u Sektoru za kulturno-historijsko naslijeđe i kulturu.

Sektor obavlja upravne, stručne i druge poslove koji se odnose na razvoj muzejske, arhivske, bibliotečke, izdavačke, dramske, muzičke, muzičko-scenske, likovne, galerijske i filmske djelatnosti, djelatnosti dramskog i likovnog amaterizma; razvoj i omogućavanje rada organizacijama i udrugama građana u oblasti umjetnosti i kulture, razvoj kulturno-umjetničkog amaterizma, stvaralaštva mladih, tehničke kulture, podrške umjetnicima radi poboljšanja statusa i podrška razvoju talenata od značaja za Federaciju BiH. To je ostvareno:

- prikupljanjem i vođenjem baze podataka o programima, projektima, organizacijama, manifestacijama, djelatnicima i umjetnicima u Federaciji Bosne i Hercegovine,
- praćenjem i vrednovanjem programa i projekata iz kulture, aktivnosti institucija, udruga i organizacija u oblasti kulture,
- finansijskom podrškom programima i projektima kulture od značaja za Federaciju Bosne i Hercegovine i Bosnu i Hercegovinu,
- finansijskom podrškom programima i projektima koje kandidiraju udruge građana i organizacije u oblasti kulture,
- nalaženjem metoda bolje i učinkovitije raspodjele proračunskih sredstava za sufinansiranje projekata kulture, koji su značajni za Federaciju BiH i Bosnu i Hercegovinu,
- razvojem međusobne suradnje i uvezivanjem institucija kulture radi ostvarivanja kvalitetnijih programa za veći broj korisnika,
- strateškim djelovanjem, koordinacijom s resornim ministarstvima u oblasti kulture na drugim razinama,
- stalnim radom na aktualnoj bazi podataka u kulturi, vođenjem kalendara kulturnih događanja, podrškom inovativnim samoodrživim programima, i na druge načine.

Za 2009. godinu izrađen je kalendar kulturnih događanja u Federaciji Bosne i Hercegovine. Kalendarom su obuhvaćene sve poznate manifestacije. Unutar njih su posebno označene one koje je Ministarstvo podržavalo ili ih podržava.

Finansijska podrška za kulturu od značaja za Federaciju BiH i Bosnu i Hercegovinu dodijeljena je nositeljima aktivnosti prema spomenutim općim kriterijima i objavljenim posebnim kriterijima, programima:

- Sarajevska zima 2009, Sarajevo
- Dani Matice hrvatske - Mostarsko proljeće, Mostar
- Festival bosanskohercegovačke drame, Zenica
- Festival komedije Mostarska liska, Mostar
- Sarajevski dani poezije, Sarajevo
- PEN centar BIH nagrada Mithat Begić, Sarajevo
- Gradačački književni susreti, Gradačac
- Pozorišne/kazališne igre BiH, Jajce
- Šopovi dani na Plivi, Jajce
- Festival animiranog filma, Neum
- Programi East West Centra, Sarajevo
- Festival scenskih umjetnosti Bihaćko ljeto, Bihać
- Šantićeve večeri poezije, Mostar

- Dani Ajvatovice, Travnik
- Sarajevo Film Festival, Sarajevo
- Susreti Zije Dizdarević, Fojnica
- Šimićevi susreti, Grude
- Internacionalni teatarski festival MES, Sarajevo
- Tuzlanski pozorišni dani 2009. Tuzla
- Slovo Gorčina, Stolac
- Jazz fest, Sarajevo
- Zimski kamp animiranog filma, Neum
- Umjetničke radionice u Domu mladih, Sarajevo
- Ljetni kamp animiranog filma, Sarajevo
- Talent campus, Sarajevo

Federalno ministarstvo kulture i sporta u 2009. godini, za razliku od prethodnih godina, nije imalo sredstva u Transferu za udruge građana i druge organizacije u kulturi.

Ministarstvo je, u okviru Manifestacije Dani europskog naslijeđa, podržalo rad kulturno-umjetničkih društava i njihovih asocijacija, posebno onih koje se bave istraživačkim radom i zaštitom nematerijalne kulturne baštine. Za sudjelovanje su izabrana društva koja njeguju autentičan kulturni izraz i dio društava koji izvode koreografirane tradicionalne igre kvalitetno i s uspjehom.

Također, podržana je prezentacija tradicionalnih zanata i umijeća i afirmirane bosanskohercegovačke tradicionalne kuhinje koji predstavljaju najvrednije od nematerijalne kulturne baštine Bosne i Hercegovine i čiji „proizvodi“ mogu ispuniti uvjete za upis na Popis nematerijalnih kulturnih dobara Bosne i Hercegovine. Održan je Okrugli stol na temu zaštite nematerijalne kulturne baštine. Povod za izbor teme je bilo pristupanje Bosne i Hercegovine UNESCO Konvenciji o zaštiti nematerijalne kulturne baštine. Zaključci Okruglog stola su smjernice za provedbu Konvencije u našoj zemlji.

Nastavljeno je ostvarivanje ranije utvrđenih ciljeva rada Sektora za kulturno-historijsko naslijeđe i kulturu:

- kulturni razvoj Federacije BiH i Bosne i Hercegovine,
- provedba Strategije kulturne politike Bosne i Hercegovine,
- utvrđivanje polazišta za izradu osnova politike razvitka kulture Federacije Bosne i Hercegovine,
- provedba važećih i od Bosne i Hercegovine ratificiranih konvencija u oblasti kulture,
- ispunjenje ugovora o međunarodnoj kulturnoj suradnji u dijelu koji se odnosi na Federaciju BiH,
- provedba Aneksa 8 međunarodnog sporazuma za mir u Bosni i Hercegovini,
- provedba Zakona o provedbi Odluka o proglašenju objekata nacionalnim spomenicima,
- provedba Zakona o federalnim ministarstvima,
- prepoznavanje manifestacija, programa i projekata od značaja za Federaciju BiH i Bosnu i Hercegovinu, njihov razvoj, poticanje razmjene i realizacije u kooperaciji ili koprodukciji,
- potpora manifestacijama kulture čiji je status potvrđen od međunarodnih asocijacija,

- provedba važećih državnih i federalnih zakona u oblastima kulture i kulturno-historijskog naslijeđa,
- afirmacija umjetničkog stvaralaštva od značaja za Federaciju BiH i Bosnu i Hercegovinu,
- ispunjenje individualnih i kolektivnih kulturnih potreba građana Federacije BiH i Bosne i Hercegovine,
- razvoj svih kulturnih djelatnosti, potpora inovativnosti i novim medijskim kulturama,
- rad na osviještenju o potrebi razvoja prometne, zdravstvene i ekološke kulture,
- promoviranje i afirmacija kulture i umjetnosti od značaja za Federaciju BiH i Bosnu i Hercegovinu,
- potpora afirmaciji i angažmanu mladih, odgovorna priprema mladih za sudjelovanje u kulturnom životu Federacije BiH i Bosne i Hercegovine,
- uvrštavanje u Program finansiranja većeg broja programa i manifestacija koje će znati da će biti finansirane i u narednom periodu, ako budu uspješne i kvalitetne, a program se bude razvijao i rastao.

Ministarstvo je sudjelovalo u programima više projekata međunarodne suradnje: Dani europskog naslijeđa u Prijepolju - Republika Srbija, Program „Sarajevska škola dokumentarnog filma“ u okviru Festivala dokumentarnog filma u Oberhausenu; pripremi je sudjelovanje ministarstva na Šestoj konferenciji ministara kulture Jugoistočne Europe, koje će biti održano u aprilu 2010. godine u Podgorici i Cetinju – Republika Crna Gora; izvršilo pripreme za izložbu mladih suvremenih umjetnika zemalja Jugoistočne Europe, koja će se održati kao preteći program uz Ministarsku konferenciju; obavljalo i druge programe u suradnji s Ministarstvom civilnih poslova BiH.

Usklađivanje kulturne politike s europskim zemljama predstavlja jedan od strateških ciljeva na planu utvrđivanja kulturne politike i pravaca strateškog razvoja kulture na svim nivoima djelovanja. Ministarstvo je nastavilo sudjelovanje u MDGF Programu „Kultura za razvoj“ u svim tijelima i u četiri radne grupe:

1. Izrada Akcionog plana za provedbu Strategije kulturne politike BiH,
2. Izrada kulturnog portala,
3. Reforma kulturne statistike i
4. Radna grupa za monitoring i evaluaciju.

Nastavljena je suradnja s Fondacijom za održivi razvoj, OdRaz Sarajevo.

Finansijska potpora sanaciji, obnovi, izgradnji i opremanju objekata kulture dodjeljivana je prema spomenutim općim kriterijima i objavljenim posebnim kriterijima za slijedeća kulturna dobra:

- Stara škola u Livnu, muzejska postavka
- Partizansko groblje Mostar,
- Mala Vijećnica u Odžaku,
- Zgrada financija u Jajcu
- Džamija Podgora u Brezi,
- Džamija u Kraljevoj Sutjesci, klizište
- Musalla u Kamengradu Sanski Most,
- Ferhadbegova džamija u Tešnju,
- Džamija u Seonici, Konjic,
- Džamija Hasana Kjafije –Prusac
- Džamija Kuršumlija u Kladnju

- Gradska džamija Banovići
- Sanacija crkve Uznesenja Blažene Djevice Marije, Rama-Ščit,
- Fr. Galerije i muzej Gorica Livno,
- Franjevački samostan u Kraljevoj Sutjesci,
- Stara crkva Sv.Mihovila Arhanđela, Vareš
- Biskupija u Vukodolu, Mostar,
- Stara pravoslavna crkva na Bašćaršiji u Sarajevu,
- Saborna crkva u Sarajevu
- Pravoslavna crkva u Čapljini
- Pravoslavna crkva Presvete Bogorodice u Zenici
- Kapela u Osojnici
- Daorson Ošanići, Stolac,
- Halapići u Glamoču,
- Desilo, arheološki lokalitet,
- Arheološko područje Blagaja
- Počitelj, Stari grad
- Nekropola stećaka, Blidinje,
- Stari grad Visoki,
- Stari grad Ključ,
- Stari grad Bobovac,
- Stari grad Podzvizd, Velika Kladuša,
- Stari grad Tešanj
- Stari grad Jajce
- Stari grad Travnik
- Stari grad Ljubuški,
- Kuća Alajbegovića u Pruscu,
- Stambeni kompleks Velagićevina u Blagaju
- Kršlakova kuća, Jajce
- Kuća braće Čumurija, Mostar
- Dovršenje Starog mosta u Konjicu
- Sanacija Centra sufizma u Vukeljićima, Fojnica.

Podržana je zaštita pokretnih kulturnih dobara koja su povjerena ustanovama čiji je osnivač Skupština SR Bosne i Hercegovine.

Podržani su programi:

- Nacionalnog komiteta ICOM Bosne i Hercegovine i
- Nacionalnog komiteta ICOMOS u Bosni i Hercegovini.

S ciljem ostvarenja što bolje kulturne ponude, u trenutnoj ekonomskoj situaciji u Bosni i Hercegovini i okruženju, u 2009. godini, sufinansirani su isključivo programi i projekti kulture od značaja za Federaciju BiH i Bosnu i Hercegovinu. Ministarstvo je bilo opredijeljeno sufinansirati programe i projekte kulture u iznosu do 25% od ukupne vrijednosti projekta, koji su uz to morali zadovoljiti kriterij ekonomičnosti.

IV. SPORT

Programom rada Federalnog ministarstva kulture i sporta/športa u oblasti sporta, u 2009. godini, utvrđeni su strateški ciljevi razvoja sportske djelatnosti, koji su bili osnova aktivnosti na dostizanju stepena uključenosti stanovništva u sistematsku sportsku aktivnost i dostizanje vrhunskih sportskih rezultata.

Prioriteti su bili: podsticanje i unapređenje sporta, kao dijela ukupnih društvenih vrijednosti, unapređenje saradnje sa Ministarstvom civilnih poslova BiH na

planu implementacije Zakona o sportu, saradnja sa kantonalnim resornim ministarstvima i Ministarstvom porodice, omladine i sporta RS. Ostvarena je saradnja sa sportskim savezima i institucijama u oblasti sporta u cilju dostizanja nivoa sportski razvijenih zemalja i dostojnog prezentiranja naše zemlje na međunarodnim sportskim takmičenjima.

U 2009. godini, koja je bila predolimpijska i u kojoj su se održavala značajna međunarodna sportska takmičenja na kojima su uzeli učešće naši najbolji sportisti, Ministarstvo je pružilo značajnu podršku u pripremi i sufinansiranju učešća naših najboljih sportista na velikim sportskim manifestacijama, sa željom da bude dostojno bogate sportske tradicije Bosne i Hercegovine. Među njima su bili najznačajniji: Kup pobjednika kupova evropske rukometne federacije, Svjetsko prvenstvo u kuglanju, Evropsko kadetsko prvenstvo i univerzijada u taekwondo-u, Evropsko prvenstvo u stonom tenisu...

Nastavljena je aktivnost na podršci i izgradnji, opremanju i rekonstrukciji sportskih objekata, kao preduvjeta za razvoj sportske djelatnosti u cjelini. U saradnji sa kantonalnim ministarstvima, općinama i Fondacijom za održivi razvoj OdRaz, na osnovu iskazanih potreba i procjena opravdanosti, finansijski su podržane aktivnosti na izgradnji i opremanju objekata u Bužimu, Kaknju, Sarajevu, Goraždu, Bosanskoj Krupi, Konjicu, Visokom, Olovu, Prači...

Značajna podrška je bila usmjerena organiziranju sportskih manifestacija u Bosni i Hercegovini koji imaju međunarodni karakter i kroz koje se naša zemlja utvrdila kao dobar organizator. Među njima su najznačajniji: Šahovski velemajstorski super turnir „Bosna 2009.“, 90. godina SD „Sloboda“ Tuzla, Međunarodni CHALLENGER ATP teniski turnir „Sarajevo open 2009.“, 9. međunarodni juniorski bokserski turnir „Mostar 2009.“, Tradicionalni memorijalni karate turnir „Salko Ćurić“, Međunarodni atletski juniorski turnir...

Kao i prethodnih godina, posvećena je pažnja realizaciji dugoročnih projekata u edukaciji mladih kroz sport, kao i programima i projektima edukacije i stručnog osposobljavanja i usavršavanja osoba koje rade sa mladima.

U skladu sa Zakonom o sportu u Bosni i Hercegovini, pokrenute su aktivnosti na izradi informacionog sistema u sportu i ostalih neophodnih podzakonskih akata koji proizilaze iz Zakona o sportu i koji su preduvjet za adekvatno i kvalitetno organiziranje sporta i ostvarivanje strateških ciljeva njegovog razvoja. U saradnji sa Ministarstvom civilnih poslova, Ministarstvom porodice, omladine i sporta RS, provedena je aktivnost na izradi prijedloga Strategije razvoja sporta u Bosni i Hercegovini čije se usvajanje očekuje u 2010. godini, nakon provedene javne rasprave i usvajanja u Parlamentu BiH.

Veliku teškoću u realizaciji programa rada za 2009. godinu predstavljala su i izuzetno mala sredstva utvrđena u Budžetu Federacije BiH, a koja su u toku godine zbog ekonomske krize još dodatno smanjena. Sredstva namijenjena sportu u 2008. godini iznosila su 3.000.000,00, utvrđena Budžetom za 2009. 1.300.000,00 a realizirano je svega 896.012,88, uključujući i sredstva tekuće rezerve Vlade u iznosu od 114.400,00 kao podrške učešću fudbalske reprezentacije BiH za kvalifikaciju za svjetsko prvenstvo.

III. CENTAR ZA MLADE

Djelokrug rada Centra je unapređivanje i razvoj omladinske politike u Federaciji Bosne i Hercegovine u oblasti kulture i sporta, aktivnije uključivanje mladih u proces organiziranja kulturnih i sportskih događaja, poticanje kulturnih aktivnosti u interesu zadovoljavanja potreba mladih, posebno u malim sredinama, saradnja organa i tijela vlasti i omladinskih organizacija.

Centar za mlade, organizaciona jedinica u Ministarstvu kulture i sporta Federacije BiH, ostvarila je planirane aktivnosti utvrđene Programom rada za 2009. godinu, što se odnosi na:

- Koordinirani rad s Komisijom za koordinaciju pitanja mladih u Bosni i Hercegovini, s ciljem omogućavanja optimalnih uvjeta za život i rad mladih u cijeloj zemlji te aktivnosti na donošenju dokumenta Omladinska politika u BiH,
- unapređenje saradnje s kantonalnim ministarstvima s ciljem zajedničkog djelovanja na poboljšanju položaja mladih,
- rješavanje problema i zadovoljavanja interesa mladih, što je jedna od najvažnijih pretpostavki za osiguravanje namjenskih sredstava za potrebe mladih.
- podsticanje kulturnih i sportskih aktivnosti u interesu zadovoljavanja potreba mladih u svim dijelovima Federacije BiH, a posebno u malim sredinama.

Zakon o mladima u Federaciji BiH je u parlamentarnoj proceduri.

Uspostavljena je saradnja sa međunarodnim organizacijama: GTZ, UNDP, MDGIF-YERP BiH program zapošljavanja mladih i dr.

Centar učestvovao na raznim omladinskim forumima, konferencijama, seminarima.

Centar je obezbijedio podršku i povezivanje za niz projekata i programa mladih u FBiH kroz saradnju institucija, udruženja i nevladinih organizacija, kao nosilaca projekata mladih u Federaciji Bosne i Hercegovine.

U aktivnostima Centra, posebno mjesto zauzima prezentacija, edukacija, uključivanje i upoznavanje mladih ljudi sa mogućnostima školovanja, koje Centar vodi kroz kontinuirane projekte sa mladima iz Federacije Bosne i Hercegovine.

- *Kamp animacije Neum, Kamp animacije Igman (Sarajevo)* www.kamp-animacije.com

Projekat *Kamp animiranog filma* namjenjen je učenicima srednjih škola Federacije Bosne i Hercegovine. Cilj projekta je edukacija mladih u oblasti animacije, kojom se kroz neformalno obrazovanje otvara mogućnost opredjeljivanja za buduće zanimanje. Ova edukacija ostvaruje se kroz dijalog, razumjevanje i druženje uz podršku ovoj grani umjetnosti, radi razvoja i promocije animacije u Bosni i Hercegovini. U 2009. godini, realizirali smo dva kampa: ljetni i zimski, promovirajući Neum i Igman kao turističke destinacije. Na Kampu animacije u 2009. godini bilo je 80 novih polaznika i 25 polaznika drugog stepena. Rezultati Kampa su jedan kratki animirani film i jedanaset kratkih animacija.

- *Kreativne radionice za mlade* – Dom mladih, Sarajevo.

U 2009. godini, aktivnosti ovog projekta su realizirane kroz edukativno-kreativne aktivnosti namjenjene edukaciji mladih, kao garant kvalitetnije budućnosti dolazećih generacija. Konceptijom ovog projekta, mladima se nude aktivnosti i prostor u kojem će provoditi svoje slobodno vrijeme, educirati se, izraziti i izgraditi u kreativnom smislu te zabaviti sa svojim vršnjacima. Radionice u Domu mladih djeluju u 11 sekcija, koje okupljaju godišnje oko 1300 mladih i po vrhunskim stručnim i pedagoškim programima, obučavaju mlade u slijedećim oblastima: Dramski studio, Baletni studio, Solo pjevanje, Art mali hor, Likovno stvaralaštvo, Literarno stvaralaštvo, Fotografija, Škola gitare, Radionica muzičke produkcije i radionica Video produkcije.

- Međunarodni projekti za mlade imaju za cilj edukaciju, afirmaciju i podsticanje razmjene znanja i iskustava, zapošljavanje i mobilnost u oblasti kulture.

Sredstva za realizaciju projekata sufinansiralo je Federalno ministarstvo kulture i sporta i Fondacija za kinematografiju.

- *Sarajevo Talent Campus* nastoji omogućiti mladim filmskim stvaraocima pristup daljoj edukaciji, ulazak u mrežu europske i internacionalne filmske industrije te pokrenuti inicijativu za stvaranje udruženog projekta sa kolegama iz Jugoistočne Evrope. Intenzivni sedmodnevni program radionica, predavanja, panel diskusija i festivalskih ekskurzija, namijenjen je mladim filmskim profesionalcima i studentima posljednje dvije godine studija filma. Sudjelovalo je trinaest zemalja: Albanija, Bosne i Hercegovina, Bugarska, Crne Gora, Grčka, Hrvatska, Mađarska, Makedonija, Rumunija, Srbija, Slovenija, Turska i UNMI Kosovo.

- *Mladi i naslijeđe*

U okviru Manifestacije *Dani evropskog naslijeđa*, koju Ministarstvo realizira po preporuci Vijeća Evrope, od 1997. godine, djeluje edukativni Program *Mladi i naslijeđe*. Program je namjenjen učenicima osnovnih i srednjih škola, a u 2009. godini na Konkurs/natječaj za najbolje likovne, dokumentarističke, literarne, video radove i fotografije pristiglo je preko 1000 učeničkih radova na temu "Nematerijalna kulturna baština BiH. Program Mladi i naslijeđe razvija kreativnost i pozitivan odnos mladih prema kulturnom naslijeđu Bosne i Hercegovine, a zahvaljujući ovom programu, na koji se svake godine odazovu mladi iz Federacije BiH sa svojim radovima, sigurni smo da njihovim angažmanom na ovom projektu odgajamo buduće generacije koje poznaju, vole i čuvaju kulturno naslijeđe Bosne i Hercegovine.

MINISTAR

Gavrilo Grahovac

Broj: 01-02-4-935/10
Sarajevo, 9.III. 2010. godine